



Ukuhlomisa izingane zethu
ngelikusasa

Isiqinisiso 2

Isihloko sesifundo: Uthando

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Uthando**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 2.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha mayelana nemidanti engezekileyo.



Isifundo

Isihloko	Uthando
Umbhalo weBhayibheli	UMathewu 22: 35-40; 1 Johane 4:16; Johane 3:16; KwabaseRoma 5: 5; 1 Johane 5: 3; UMathewu 22:39; 1 Johane 4:20; ULuka 10: 30-37; 1 Khorinte 13: 4-7
Inhloso yesifundo	Abaqinisiswa bathatha umfuzelo kaJesu Kristu kangoba uthando, oluyisithelo sikaMoya oNgcwele luya ngokubonakala kubo.

Isifundo esifingqiwe:

UJesu wake wafundisa umbhali ukuthi:

“Woyithanda iNkosi uNkulunkulu wakho nangayo yonke inhliziyi yakho, nangawo wonke umphefumulo wakho, nangayo yonke ingqondo yakho. Yilowo umyalo omkhulu nowokuqala. Owesibili ofana nawo uthi: “Wothanda umakhelwane wakho njengalokhu uzithanda wena.”

UNkulunkulu usikhombisa ukuthi Yena uyasithanda. Wathumela iNdodana yaKhe njengoMhlengi wethu njengoba kukhonjiswe kuJohane 3:16: "Ngkuoba uNkulunkulu walithanda izwe kangaka waze wanikela ngeNdodana yaKhe ezelwe yodwa, ukuba yilowo nalowo okholwa yiyo angabhubhi kepha abe nokuphila okuphakade".

Wasikhetha ukuba sibe ngabantwana baKhe futhi wasenza ingxenye yesivumelwano esisha ngokubhaphathiswa ngamanzi nangesipho sikaMoya oNgcwele.

Ukhuluma nathi ngezwi laKhe ezinkonzweni eziNgcwele. Usinikeza umusa futhi uthethelela izono zethu ngaso sonke isikhathi. Usinikeza ukuthula nobudlelwano naYe ngokuhlanganyela eSidlweni seNkosi esiNgcwele. Wagunyaza izinceku zaKhe ukuba zisiholele emgomweni wokholo lwethu.

Sibonisa uthando lwethu ngoNkulunkulu ngoku:

o gcina imiyalo yaKhe; ukucela intando kaNkulunkulu futhi siyenze,

o sebenzisa izwi likaNkulunkulu; nokubamba iqhaza emsebenzini weNkosi,

o hlala sithembekile kuNkulunkulu; siletha iminikelo yethu kuNkulunkulu,

o thatha isinqumo ngokwenza okuhle; ngokufakaza ngoNkulunkulu futhi

o thanda umakhelwane wethu.



"Thanda iNkosi uNkulunkulu wakho ngayo yonke inhliziyi yakho ..."

Ngesibonelo somSamariya oLungileyo nabanye, uJesu wasikhombisa ukuthi ngubani ngempela umakhelwane wethu, nokuthi kufanele sibaphathe kanjani omakhelwane bethu.

Singakhombisa uthando lwethu komakhelwane ngokuthi:

o sibenze bajabule ngezwi elinomusa,

o sibahloniphe futhi sibenabo,

o sibathethele,

o sibakhulekele,

o sikhulume kahle ngabo,

o sibabekezelele, futhi

o singacasuki ngobuthakathaka babo.

Labo abathanda omakhelwane babo **bakhombisa lokhu ngezenzo**, futhi ngalokho, bafaka ukuthi bayamthanda uBaba wethu waseZulwini.

Ingabe sisho ukuthini lesisifundo kithina namhlanje na?

- Lesi sifundo sisifundisa ngesimilo sikaJesu Kristu esivame ukuntuleka emphakathini wanamuhla futhi kwesinye isikhathi okungumphakathi ozibhekele-wodwa.
- Njengabantwana bakaNkulunkulu, okokuqala kufanele sithande uBaba wethu waseZulwini noMhlengi, uJesu Kristu.
- Kufanele sithande nomakhelwane bethu futhi sibaphathe ngendlela nathi esifuna ukuphathwa ngayo.



Eminye imibuzo esingayibuza:

1. Sazi kanjani ukuthi uNkulunkulu uyasithanda na?

Impendulo:

Wathumela iNdodana yaKhe njengoMhlengi wethu. Usikhethe ukuba sibe ngabantwana baKhe futhi wasenza ingxenye yesivumelwano esisha ngokubhaphathiswa ngamanzi nangesipho sikaMoya oNgcwele.

Ukhuluma nathi ngezwi laKhe ezinkonzweni eziNgcwele. Usinikeza umusa futhi uthethelela izono zethu ngaso sonke isikhathi. Usinikeza ukuthula nobudlelwano naYe ngokuhlanganyela eSidlweni seNkosi esiNgcwele. Wathuma izinceku zaKhe ukuthi zisiholele emgomweni wokholo lwethu.

2. Singamkhombisa kanjani-na uNkulunkulu ukuthi siyamthanda?

Impendulo:

Ngokugcina imiyalo yaKhe; ukucela intando kaNkulunkulu futhi siyenze; ukusebenzisa izwi likaNkulunkulu; ukubamba iqhaza emsebenzini weNkosi; ukuhlala sithembekile kuNkulunkulu; siletha iminikelo yethu kuNkulunkulu; sinqume ukwenza okuhle; ukufakaza ngoNkulunkulu, futhi sithande umakhelwane wethu.

3. Silubonisa kanjani uthando komakhelwane bethu na?

Impendulo:

Ngokubenza bajabule ngezwi elinomusa; ukubahlonipha sibenabo; ubathethelela; ukubakhulekela; ukukhuluma kahle ngabo; ukubabekezelela; futhi singacasuki ngobuthakathaka babo.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen